



Pou Piblikasyon Imedya: 24/08/2022

GOUVÈNÈ KATHY HOCHUL

GOUVÈNÈ HOCHUL ANONSE SEZI PLIS PASE 6,000 ZAM ILEGAL KÒZ REZILTA GWOUP TRAVAY ANT PLIZYÈ ETA SOU ZAM ILEGAL LA DEPI JANVYE

Koperasyon entra-eta ak entè-eta pami ajans lokal, Eta ak Federal ki pwodui rezulta

Sezi total nan Eta New York ogmante a 20 poustan soti janvye jiska jiyè 2022 lè yo konpare ak sèt premye mwa ane pase yo

Moun ki blese pa zamame yo te diminye a 12 poustan nan kominote k ap patisipe nan inisyativ Eliminasyon Vyolans ki Enplike Zam ki finanse pa Eta ak 11 poustan nan Vil New York

Ogmantasyon 140 poustan nan sezi zam Polis Eta New York ant out 2021 a jiyè 2022 konpare ak out 2020 a jiyè 2021

Gouvènè Kathy Hochul te anonse jodi a ke ajans lapolis yo te retire 6,007 zam ilegal nan kominote yo atravè Eta New York pandan sèt premye mwa yo nan ane a, yon ogmantasyon 20 poustan lè yo konpare ak menm peryòd la an 2021. Rejwenn pa Majistra Vil New York la Eric Adams ansanm ak Direktè Biwo Alkòl, Tabak, Zam A Fe ak Eksplozif (Bureau of Alcohol, Tobacco, Firearms, and Explosives, ATF) la, Steven Dettelbach, anvan yon reyinyon ak Gwoup Travay Ant Plizyè Eta sou Zam Ilegal (Interstate Task Force on Illegal Guns) la, Gouvènè Hochul te mete Nouyòkè yo ajou sou efò konplè administrasyon li a ap fè pou anpeche sikilasyon zam ilegal yo, diminye vyolans ak zam epi sove anpil lavi. Direktè ATF a, Dettelbach te prezante Gwoup Travay la kòm yon modèl nasyonal pou lòt rejyon yo nan peyi a swiv.

"Administrasyon mwen an konsantre sou sispann devastasyon vyolans zam te koze nan kominote yo atravè eta a, epi nou kontinye pran mezi odasye pou fè fas ak kriz sa a tèt pou tèt", **Gouvènè Hochul te deklare.** "Kantite dosye sezi zam sa a se rezulta yon repons kowòdone san parèy, k ap mennen nan peyi a pami pwofesyonèl fòs lòd devwe yo nan nivo lokal ak federal. Mwen ta pito nan biznis prevansyon krim lan olye biznis rezoud krim lan, epi gras a Gwoup Travay Ant Plizyè Eta sou Zam Ilegal inik lan, se egzakteman sa n ap fè ansanm."

Gouvènè Hochul te anonse tou ke Lapolis Eta New York te sezi 1,468 zam nan mwa out 2021 rive jiyè 2022: pi gwo kantite nan istwa ajans lan. Sa reprezante yon ogmantasyon 140 poustan lè yo konpare ak mwa out 2020 ak jiyè 2021, lè Lapolis Eta a te sezi 612 zam.

Direktè Biwo Alkòl, Tabak, Zam Afe ak Eksplozif la, Steven Dettelbach, te deklare, "Gwoup Travay sa a gen sa ki nesesè pou fè yon diferans- epi ATF, atravè Sant Entèlijans kont Zam Krim nou yo, sistèm trasaj zam krim eTrace (trasaj elektronik) nou an, ak NIBIN- pran angajman pou bay patnè fòs lòd nou yo entèlijans ak pis ki nesesè pou idantifye deklannchè gachèt yo ki teworize kominote nou yo ak rezo trafik zamafe ki ilegalman founi yo zam."

Gwoup Travay Ant Plizyè Eta sou Zam Ilegal la te ankouraje gwo koperasyon ak kolaborasyon pami ajans fòs lòd lokal, eta ak federal yo nan Connecticut, Maine, Massachusetts, New Hampshire, New Jersey, Ohio, Pennsylvania, Rhode Island ak Vermont depi kreyasyon nan debi ane sa a. Manm Gwoup Travay yo te reyini pou katriyèm fwa maten an pou diskite sou done, entèlijans, estrateji ak lòt taktik ki enpòtan nan efò kontinyèl yo pou adrese ogmantasyon vyolans ak zam ki te fèt nan New York ak nan peyi a depi kòmansman ane 2020 an. Pwochen reyinyon an pral fèt mwa pwochen nan New Jersey.

Travay sa a, ansam ak envèstisman eta nan nivo rekò nan kominote yo ki gen gwo pousantaj vyolans ak zam ak amelyore pataj enfòmasyon pami ajans fòs lòd lokal yo ak Lapolis Eta a, deja pwodui rezulta. [20 depatman lapolis yo](#) ki te patisipe nan inisyativ Eliminasyon Vyolans ki Enplike Zam (Gun Involved Violence Elimination, GIVE) Eta New York la te rapòte tou yon diminisyon 12 poustan nan viktim fiziyad yo pou sèt premye mwa 2022 yo konpare ak 2021. Kantite fiziyad ki rapòte pa depatman lapolis sa yo te diminye pandan twa mwa youn apre lòt. [Nan Vil New York jiska mitan mwa out](#), te gen yon diminisyon 11.8 poustan nan viktim fiziyad yo pandan ke yo rapòte fiziyad yo te diminye a 11 poustan.

Lapolis Eta a te sezi 813 zam depi janvye jiska jiyè 2022, sa ki double kantite yo te sezi pandan peryòd sa a ane pase a (406). Total sa a gen ladann 30 fizi atak ilegal ak zam fantom yo te sezi apre yon ankèt ki dire plizyè mwa pa [Inite Entèdiksyon Trafik Zam \(Gun Trafficking Interdiction Unit\) Lapolis Eta nan yon rezo trafik zam nan plizyè konte](#). Inite a te mennen tou 482 envestigasyon pou trase zam depi janvye jiska jen 2022, bay 91 pis ki te ede otorite yo nan 25 eta retire 149 zam ilegal nan lari yo ak kominote pa yo.

Sirentandan Lapolis Eta New York la, Kevin P. Bruen, te deklare, "Ogmante kantite sezi zam ilegal Lapolis Eta a ak patnè fòs lòd nou yo montre pwogrè nou te fè nan konbat enfiltrasyon zam ilegal nan New York. Chif nou yo pwouve ke sezi zam ilegal yo pa piti. Efò sa yo se yon pati entegral nan pwoteje kominote nou yo epi yo p ap tolere enpòtasyon ak posesyon zam ilegal."

[Bidjè Ane Fiskal 23](#) Eta gen 227 milyon dola pou finanse pwogram ak patenarya inovan ajans fòs lòd ak òganizasyon kominotè yo aplike, tankou:

- 24.9 milyon dola pou SNUG ak inisyativ kont vyolans ak zam nan kominote a ki itilize yon apwòch sante piblik pou adrese vyolans ak zam: idantifye sous la, entèwong transmisyon an epi trete moun ki afekte yo nan bay sèvis ak sipò konplè pou abòde twomatiz ki soti nan ekspozisyon alontèm ak vyolans ak zam. Envestisman sa a pral sipòtew pwoogramasyon tou pou ede satisfè bezwen debaz jèn vilnerab yo; epi bay fòmasyon ki baze sou preparasyon pou travay ak plasman travay, pami lòt inisyativ;
- 18.2 milyon dola pou ajans fòs lòd yo ki patisipe nan [inisyativ GIVE la](#), ki itilize estrateji ki baze sou prèv pou redwi fiziyad epi sove lavi nan 20 kominote yo nan 17 konte ki pi frape pa vyolans ak zam; epi
- 15 milyon dola pou [rezo 10 Sant Analiz Krim](#) New York yo, ki kolekte epi pataje entèlijans kriminèl - ki gen ladan done sou zam krim - pami plis pase 350 ajans fòs lòd eta ak lokal yo, k ap sèvi kòm yon resous enpòtan pou dekouraje, envestige, ak rezoud krim, tankou krim vyolan ki enplike zamafe yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)